

泉州府志

第八册

卷之十六



泉州府志

卷八

卷八



泉州府志卷之十六

壇廟寺觀

古嚴非族之祀必功德之足以永世而利民者斯享
其報自佛老教行紺宮丹室幾遍寰區泉當宋初山
川社稷不能具壇而寺觀之存者凡千百數益信五
季將佐割據紛爭讖罪福已非爲民也自是以後祀
典日修矣而木泥之偶雄將軍溫某郎蹈天隨子所
譏者亦復不少今自春秋二舉所及之外非唯其栖
可撤者志不爲存卽或名號顯然而捍患禦灾非在

茲土亦比諸子胥祀吳而不祀楚之例若夫已公茅
屋道貫星壇彼自遊方之外者第聽之可耳作壇廟
寺觀志

晉江縣附郭

府社稷壇在府治朝天門外田菴八閩通志宋州社稷壇
在府治西南淨明坊內元因之明洪武二年知府常性
移建今所

國朝雍正九年知縣王之琦修乾隆二年

勅修宋元時晉江縣社稷壇在元妙觀南明時以縣附郭

統祭於此壇制累石爲之北向縱橫各二丈五尺高三尺繚以周垣陞各三級旁闢四門立石主一於壇之南又置木主二高三尺三寸曰府社之神曰府稷之神旁設神庫神廚宰牲房洗牲池齋房歲春秋仲月上戊日致祭

風雲雷雨境內山川城隍神壇在府治西南臨漳門外柳通鋪八閩通志宋初以風雨雷師附祭社稷壇嘉定十四年郡守宋均復別建於仁惠坊內東倉之隙地元因之明時故址併入府治洪武二年知府常性建今所

身州府志 卷之十六
國朝雍正九年知縣王之琦修乾隆二年

勅修晉江縣附郭統祭於此壇制累石爲之南向縱橫各
二丈五尺高三尺繚以周垣門陞廚庫等所如社稷制
設神位三中風雲雷雨之神左境內山川之神右府城
隍之神歲春秋仲月上戊日致祭

先農壇在府治仁風門外東禪鄉籍田後

國朝雍正五年

勅建壇制累石爲之高二丈一尺寬二丈五尺壇之正北
中一室奉先農神牌東房貯祭器農具西房收籍田米

穀東配房置祭器西配房給看守農戶居之外隸以垣
門南向籍田制四畝九分歲仲春亥日致祭禮畢耕籍
田知府秉耒佐貳執青箱晉江縣知縣播種各外縣正印官秉耒
佐貳執青箱播種耆老一人牽牛農夫二人扶犁九推九反農
夫終畝耕畢官率耆老農夫望

闕行禮農具用赤色牛黑色箱青色耜種以土之所宜
八蜡不別爲壇

國朝雍正十一年

詔有司歲十二月上戊日致祭先耆司耆居正位東上餘

六神稍後一尺分設左右卽先農壇祀之晉江縣附郭
統祭於此

郡厲壇在府城外泉山鋪舊在城北七里許明洪武二年
知府常性建嘉靖間徙今所

國朝因之歲春清明秋中元冬十月朔致祭先期牒告城
隍祭之日迎神於壇主之晉江縣附郭統祭於此

文廟

崇聖祠 名宦祠 鄉賢祠 名宦鄉賢諸專祠 忠義

孝悌祠 俱詳見
學校

關帝廟在府治惠義舖

明李光緒記今天下祠漢壽亭侯

慮百數獨吾儒林里中廟貌爲勝詢之故老不知創所
由始相沿至今上自監司守令居是邦者迨郡薦紳學
士紅女嬰孺亡不人人奔走禱靡不應應靡不神先是
其從父相國雲泉公爲記廡壁光緒獲弓燭之禱于侯
乃伐珉記之李光緒曰今所爲頌侯之烈與侯所以繫
千百世之人心者得非以一念殉漢之忠乎竊以爲未
盡侯也夫帝室之有隆替國統之有存亡自生民有主
而來誰代無之何但漢其歷朝死事諸臣當改姓易命
之秋殺身翼主而極忠無貳慮何但侯然皆一時能使
人歎息咨嗟傳之久而名存耳未有若侯靈響今凜然
如生者國于天地必有與立惟是生人五倫兩儀不得
以墜二曜不得以晦人心不得以死侯始遇元德朋友
也約盟而後兄弟也及推爲中山靖王裔而主事之則
君臣父子也平居無里閭之讎非胞乳之共不有折圭
擔爵之素匹夫相友然信以死先兄而後臣之間關周
旋各盡其道此侯之所以獨高千古也先主得孔明而

魚水之侯不悅侯豈爲新聞舊少加長之私情乎蓋謂
波兄弟也而分三國我兄弟也而盟一心惟其有所不
足于諸葛氏兄弟之間所以不無致疑于三顧君臣之
際侯之爲人弟道可見于此矣孔明請先主于吳爲援
通婚姻之國侯罵其婚絕其使侯不欲教子二也惟身
爲漢賊侯忠漢假令屬其女于亂賊之子而有所私善
于吳不惟悖先主且悖漢故以婚姻爲完蜀計則可侯
爲其子計則不可下邳之役操有心矣侯不臣操操亦
終不加侯侯爲漢報操操豈爲漢故而全侯也彼其賊
漢天子逐天子后敢于手刃而無疑一旦見侯凜凜軍
中所稱臣而母事者乃其平昔嫂呼之人無幾微禮失
不惟明主臣之道而且遠叔嫂之嫌遂不覺神悖而魄
奪耳夫良心之發義理之窟雖賊瞞亦有之而况天下
後世之人心乎何國而無君臣何家而無父子何人而
無兄弟朋友夫婦且今之奔走而禱于侯者奚而人也
非其感于行役之義則其動于瞻陟之情原隰之可懷
嚶鳴之求聲九十之卜其儀五六之期其詹而皆以問
于侯侯儼然在上若挈天綱地維以詔衆而死者斯也

自肅天下之爭祀侯以此不但以其確漢而死事也
人廟侯于孔氏宮之左孔門之教莫大人倫春秋之誅
亂賊誅其悖乎倫者若不嘗藥不逾境不討賊之類不
必其身親弑而後斧鉞之諸弟子中所推勇惟仲子路
迂正名死結纓夫子皆過之而許其弑君父而不從則
能明倫理之正而不失食祿死難之義也侯素好春秋
是以明正統仇孫曹使其得吾夫子為依歸當其在仲
由之右與郡人祀侯甚格不盡所以祀故以此語之其
或有不忠不孝不弟不友不信者無得入此廟縱禱于侯侯亦必不應之明嘉靖閒長史李

一德重修萬歷閒復於廟右塑帝及漢昭烈帝張西鄉

侯諸葛丞相像

李光緒記郡故有漢壽亭侯廟靈響特

侯右祀平浪侯晏不知所從始久沿弗敢更萬歷甲辰
歲奉佛者遷平浪侯于堂右偏而中塑觀音大士像為
善信皈依之地識者非之壬子春移大士像于月臺之
禪室而里中孝廉張君汾文學楊君某某何君啓昇張

君某相議塑劉先主關壽亭侯張西鄉侯附諸葛武侯
祀于其中堂位南向而奉平浪侯于前廳位北向塑既
成表漢時共事之雅開泉人未有之祀觀者如堵縉記
之夫古今言義者皆屬之君臣而于朋友則言信然近
于義而言始可復則信亦義之符也雖謂朋友爲義交
可矣乃若兄弟未有言義者其親本乎父子夫婦之生
其倫秩乎胞乳先後之序乃天之所治非人之所設安
得言義兄弟而以義言則自劉先主於關張始也先主
起涿郡壽亭侯起解州西鄉侯亦涿郡人三人生不同
地居不同族先主雖中山靖王之後一販履之夫耳非
有爵位名號蚤有聲於天下而卒然相遇于崎嶇草澤
中意氣歡投約爲弟昆此識見有大過人者卒之閒關
險阻死生不分其信嚴乎天地炳如日星可謂知大義
矣然人知其義而不知其所以義知輔先主之爲義而
不知其約謀興漢之爲真義蓋當是時漢室雖不綱獻
帝之共主猶存以曹瞞之奸猶知藉其名挾其威以令
諸侯而九錫之加必假漢天子詔而後受之寧以先主
爲漢裔壽亭侯西鄉侯爲漢臣而不知爲帝望謀楮命

其初相與盟先主卽有帝制自爲之心
有帝先主之意挾力起兵窺同漢室則先主亦孫曹之
等而壽亭西鄉亦公瑾司馬仲達之流耳安在爲義哉
今按先主之稱漢中王在建安二十四年而其卽帝位
于武擔之南在魏黃初之二年皆曹氏廢帝自立遇害
發喪之後而當其顧諸葛武侯于隆中惓惓以伸大義
興漢室爲言武侯亦以其帝室之胄也故寧與其兄分
事而不肯一失身于孫曹則先主之心嗟矣漢關張信
之武侯亦知之而當獻帝之在時其無稱王自帝之心
明矣先主與孫曹爭雄長其用心與孫曹異先主之心
扶漢者也孫曹之心無漢者也先主欲扶漢則不得不
仇孫曹之賊漢者壽亭西鄉欲爲先主而扶漢則不得
不効死力于先主先主仗大義之心與壽亭合壽亭爲
漢室仗大義之心又與西鄉合此三人者其狀貌之恢
奇可一望而知其議論之慷慨可一聞而決固宜其片
言之約遂定爲終身之券寧爲漢死而不悔也匹夫慕
義相然信以死後往往相俦矣豈必其終而始渝盟良
由其剖心示信之初已懷有苟富貴圖私利之志一旦

形分勢隔猜嫌遂生而戈矛遽露矣譚尚之相攻不植
之相迫豈非以利哉司馬懿于曹丕至善而敵愛禮懿
又至乃其殺曹之子孫殆盡政向之所引爲股肱心膂
之臣然不于其誅爽弒懿之時而在芻牧臨履之際矣
彼其所助父親而垂涎者有魏之鼎在耳夫自古未有
非輕大利之人而能與人成大利者壽亭西鄉以君臣
之義完手足之好武侯一弟之好完君臣之義或先
弟而後臣或先師而後臣則先主以義始而三臣以義
終魚水之歡同休等戚之愛非偶然也史稱先主于二
人寢則同床恩若兄弟而侍立周旋不避艱險武侯亦
自表于先主臣死之日不使內有餘帛外有餘財以負
陛下其見大義而忘利如此嗟夫使世人而皆能見義
以忘利也則恩誼之情篤而身家之心輕矣以處君臣
兄弟朋友之倫何所不可哉余故特表而出之以爲世
之臣弟友者勸焉

天啓元年於後殿塑帝袞冕像郡紳楊維清

李光緒徐某修廟廣僧道住持居室復有記立石

國朝順治九年

勅封忠義神武關聖大帝雍正五年

勅封神曾祖光昭公祖裕昌公父成忠公增設神牌附祀

於右殿之後歲春秋二仲月吉日及五月十三日致祭

○按神累代崇祀至國朝而典禮加隆
廟徧城市鄉鎮茲據祀典所及者載之

府城隍廟在府治北卽資壽寺故址舊在治東嘉輝舖宋

嘉祐二年侍郎趙涯建名明烈王廟明洪武二年封鑒

察司民顯佑伯三年改稱城隍之神四年知府常性重

建永樂閒晉江知縣宋仲祥正統閒知府熊尚初正德

開知府葛恒相繼修嘉靖二十三年廟改叅將署知府

俞咨伯改建今所

陳讓碑記高皇帝平定埏區正位建元二年巳酉詔封大下城隍神爵號

視地爲差三年詔定天下所祀嶽瀆城隍皆依本稱無
爵號謂神通靈山川調風致雲奮雷順雨春秋秩祀焉
四年教郡邑皆立厲壇以神主其祭監察官民善惡官
履位必先假廟與神誓期陰陽表裏協于直正以順承
天休大之所能神所不能者人其任之天人所不能而神
能者神其不任耶爽德怠事皆爲罪於天無所禱也
泉部城負清源而臨晉水崇雉周神與郡諸侯皆受
命於天以保民爲職位分相當通氣效能表裏共治若
書夜寒暑晦明舒肅成歲實有其理非假借神通而爲
言也廟舊在衛西迨近臺省諸署秋監道署祀剝殆盡
歲甲辰人祲郡侯俞公蒲山別駕陳公少華思祈神貺
載輯民休乃相諮議謂神聰明正直能調和風雨福善
禍淫助我綏育黎庶今廟若茲甚非所以妥安神靈昭
致慈惠精意者時詘不可用民惟資壽寺廢且盡門堂

寢室僅存費一功百積高居幽實惟神明之奧正直之
府足稱陰陽表裏之義其惟遷哉厥功聿成廟貌巍哉
丹青煥耀清齋有舍緇流有次遠近來觀莫不欣喜謂
蒲山公高潛神參制義達權少華公協德齊明少府雙
華胡公繼至罔不同心與德謂幽明之路可通果繁昌
之福可坐而致也○按隆慶萬歷二府志俱作三十二
年知府童漢臣改建以陳讓碑文考之舊志應誤

國朝歲增春秋二祭

縣城隍廟在府治北雲山舖舊附祀於生韓古廟

國朝乾隆十七年知縣黃昌迅建今所

嘗遇自為記我晉之有城隍也始於

唐歷宋元明屢有遷移規制殊不可攷萬歷間建韓魏
公祠於譙樓前因其地為公延降處而以邑城隍崇祀
其中顏之曰生韓古廟相沿幾二百年然近市湫隘廟
貌未揚無以壯觀瞻卽無以妥神靈已巳夏午予蒞